

تابعیت حقننده بمض مطالعات وقانون عثمانی

انسان قابلیت اجتماعی بی حائز بر مخلوق ذی الحیاة اولدیغندن، جمعیت حالنده یشامغه مجبوردر؛ بناءً علیه هر فرد انسانیک بر جمعیت انسانییه منسوب اولمسی لازم کلیر. افرادک جمعیتیه نسبتی تعیین و اظهار ایدن شی ایسه تابعیت در. دیمک که تابعیت افرادک جمعیات بشریه دن بشقه بر شی اولمیان قوملره نسبت و مربوطیتی کوسترر. بو نسبت و ارتباط ایسه مجبوری دکل، اختیاریدر؛ چونکه انسانلر بر جمعیتدن، بر قومدن عبارت اولیوب، بر جوق قوملره، ملترلره انقسام ایتش اولدقلرندن، افراد بشر بو ملل و اقوامدن دیله دیکفی ترجیح ایله اوکا انتساب ایدمیلیر. ایشته بو انتساب تابعیتدر.

جمعیات انسانییه طبایع و اخلاقی، امزجه و عاداتی، افکار و حسیاتی، آمال و احتراصاتی متحد، تشکلات بدنییه و تکملات عضوییه سی بر برینه مشایه افراددن مشکل اولدینی کبی، افرادنده بو اوصافک همان جملاسی مختلف اولمقله برابر بر طاقم خصوصاتده یکدل و عادتا یکوجود انسانلردن مرکب جمعیتلرده موجوددر. قوم واملر people علی الاکثر برنجی قسمة وملتler nation ایکنجی وقسمة داخلدر. برنجی قسمة بولان جمعیتلر افرادینک حائز اولدینی انتساب فطری اولدیغندن قابل زوال دکلدر؛ کندیلری نروده بولنسلرینه او جمعیتدن خارج اوله مزلر. حالبوکه ایکنجی قسمة داخل اولان جمعیتلری ترکیب ایدن افراد فطرةً او جمعیتیه منسوب اولیوب، بلکه بر طاقم عوارض سوقیله اوکا پیدای مناسبت ایلدکلرندن، او مناسبتی محافظه ویا اضاعه ایتک خصوصنده سربستدرلر.

ایشته بو مناسبه تدركه تابعیت لفظی ایله افاده اولنور، و تابعیت دینین مناسبه ایله مربوط بولنیلان و ملت نامی ویریلن جمعیت ایسه دولت دن بشقه برشی دکدر. زمانزده دولت و ملت تعییرلری اصطلاحات حقوقیه میانده کلمات مترادفه دن عد اولنقمده در. فی الحقیقه دولت و ملت بدر. چونکه دولت Etat، عموماً قبول اولنان تعریفه نظراً، موافق اخلاق بر نوع قانونه تابع، معین بر ارض اوزرنده ساکن اولوب، بر مقصد مشترکی استحصال اوزرنده قوای عمومیه لرینی بر مرکز جمع ایش بر طاقم افراد بشرك بر یرده اجتماعدن متشکل بر هیئت اولدیغنه و ملت ده ینه بویه بولدیغنه بناء، بینلرنده فرق یوقدر. حاکمیت، استقلال، مساوات کبی بر دولته بولنسی لازم کلن شیرلی اساساً حائز اولان ملته در. اولسه اولسه ملت رکن اساسی اولوب، دولت اونک اوزرنده انشا اولنشی بر بنادرینه بیلیر یا خود ملت بر وجود مشخص مودی، دولت او وجود مشخص در. شو حالده بر دولته نسبت و مربوطیتی تعیین ایدن تابعیت، تابع ایله متبوعک هر برینه بر طاقم حقوق و وظائف بخش و تحمیل ایدر. تابعک وظیفه سی دولتک یعنی جمعیتک وضع استدیکی قوانین احکامنه رعایت و مدافعه وطن کبی بر طاقم خدمات عمومیه اشتراك ایتک، و دولتک وظیفه سی ده تابعیتی استحصال ایدن و تحت تابعیتده بولنان افرادک بالجله حقوقی محافظه و حمایه ایلکدر، که طرفیندن هر برینک شو وظیفه لری دیگر ی ایچون بر حق تشکیل ایلر.

طرفین ایچون بو وجهله حقوق و وظائف میدانه کترین تابعیت بدایه موجود اولیق و یا صکره دن استحصال ایدک اعتباریه ایکی به آیریلیر، که برنجیمی تابعیت اصلیه، دیگر ی تابعیت مکسوبه در. تابعیت اصلیه، که هر کسک اول امرده حائز اولدیغیدر، دولتک احکام قانونیه سنه نظراً، یا ابونینک حائز اولدیغی تابعیت و یا خود مولوداتک محل ولادت لرنه کوره تعیین اولنور؛ یعنی تولد ایدن چوققلر یادر و مادر لرنک منسوب اولدقلری و یا خود ملکنده تولد ایتدک لری دولت تبعه سندن عد اولنور لر. بعض دولته ده اطفالک تابعیت اصلیه سنی تعیینده هم ابونینک صفت تابعیتی هم ده چوققلرک محل ولادت ی نظر

اعتبارده طوتار لر . تابعیت مکسوبه ایسه ذاتاً موجود بولنان تابعیت اصلیه نک ضیاعی ایله یرینه قائم اولان تابعیت جدیده در .

دولت علیه تابعیت اصلیه نک تعینتده ابونک صفتنه رعایت ایدیور ، یعنی عثمانی ابوبندن میدانن کلن چوققلری تبعه عثمانیه دن عد ایلور . تابعیت عثمانیه قانوننامه سنک بوکا دایر اولان برنجی ماده سنده « والدینی ویاخود یالکر والدی تابعیت دولت علیه ده بولندینی حالده تولد ایدن اشخاص دوات علیه تبعه سندن معدوددر » دینلمشدر . فقط بوکا مقابل تبعه اجنبیه دن برینک تلمسیقی ، یعنی تابعیت قبولی ایچون قبول طلبنده بولنان کیمسه نک ، ممالک عثمانیه ده ویاخود اجنبی برملکتده تولد اتمش اولمسنه کوره ، حقنده متفاوت معامله اجرا ایدیور . اگر تابعیت عثمانیه ، قبولی طلبنده بولنان شخص ممالک اجنبیه ده تولد اتمش سه تابعیت عثمانیه یی احراز ایده بیلنک ایچون سن رشده وصولندن اعتباراً ممالک شاهانه ده علی التوالی بش سنه اقامت اتمش اولمق لازمدر . آنجق بو بش سنه یی اکل ایتدکن صکره تابعیت عثمانیه قبولی حکومت سزیه دن استدعا ایده بیلر . اگر تلمسیق اولمق ، یعنی تابعیت قبول ایدنک آرزوسنده بولنان کیمسه ممالک شاهانه داخلنده تولد اتمش سه آرتق بونک ایچون بش سنه اقامته لزوم یوقدر ، سن رشده وصولی ایله برابر تابعیت عثمانیه قبولی طلب ایلیه بیلر ؛ یالکر شوراسی وارکه بوصلاحیتدن سن رشده وصولندن اعتباراً اوج سنه ظرفنده استفاده ایدر ؛ اگر بومدت ظرفنده بوصلاحیتی استعمال اتمز سه کنديسنک تابعیت قبول خصوصنده ممالک عثمانیه خارجنده تولد ایدن سائر اجنبیلردن فرقی قالمز .

دیمک اولبورکه دولت علیه تابعیت اصلیه نک تعینی امرنده منحصرأ ابونک صفتنه رعایت ایدیور ؛ و تبعه اجنبیه دن تولد ایدن چوققلری ده ، حتی ممالک شاهانه داخلنده تولد اتمه لر بیلر ، ینه ابوبنته نسبتله اجنبی عد ایلور . فقط بالمقابله تلمسیق خصوصنده داخل ممالک شاهانه ده تولد ایدن اجنبیلر ایچون بوراده تولد اتمش اولمقی نظر اعتباره آلمقده قصور ایتیمور . شو حالده دولت علیه نک

تابعیت خصوصاً کی مسلکی ابونیک صفت تابعیتنه اساساً رعایت اولمقله برابر ، ممالك عثمانیه ده تولد ایدنلر حقنده ، محل ولادتیه نظر دن دور طو تمامقدر .

مادامکه ابونیک صفت تابعیتی ایله برابر محل ولادتیه التفات اولنق اساسی قبول اولمشدر . بونک تابعیت اصلیهنک تعیننه اشمیلنده نه محذور واردر ؟

بویکی صورته التفات ایدن دولتر اکثراً تابعیت اصلیه بحثنده ده بوجهته رعایت ایدرلر . مثلاً فرانسه ده تولد ایدن و تابعیت اجنبیه ده بولنان برکیمسه دن ینه فرانسه الکساندره بر جوجق حاصل اولسه بوجوجقده آرتق صفت اجنبیه قلمز ، جوجق فرانسه تبعه سندن اولور . کذا مونا قوده متولد بر اجنبیدن مونا قوده تولد ایدن برکیمسه نک ینه مونا قوده حاصل اولان چوجنی مونا قو تبعه سندنر . تابعیت عثمانیه قانوننامه سنک دردست اولدینی مروی بولنان تعدیل صرهنده شو جهتک نظرده طو تلمسی پک زیاده حائز اهمیتدر . اعتقادنه یم . چونکه قانونک شکل حاضری زیاده سیله محذوری داعیدر . بر کره نسللاً بد نسل ممالك عثمانیه ده اقامت ایدن برکیمسه البته اهالی محلیه نک اخلاق و عاداتی ایله ، حسب الاعتیاد ، متخلق اولور ، اوکیمسه ده اجنبیلکک یالکر نامی قالیر ؛ اوله بر آدمی محضا جدینک جدی اجنبی اولدینی ایچون اجنبی طو تبقی دوغری برشی اولمز . صکره بویله اوزون بر مدت اجنبیلکک دوامی ده محذوری موجبدر . برملکده اجنبی مسافر صورتیه بولنور ؛ مسافرت ایسه بر مدت موقته ایچون اوله بیلیر ، دائمی اوله مز . علی الدوام اقامت ایدن مسافر مسافر لکدن چیقار ، افراد محلیه دن اولور . بناءً علیه قانون عثمانینک حین تعدیلنده فرانسه اصولی اولسه بیله ، هیچ اولمز سه مونا قو اصولی قبول ایدرک ، ممالك شاهانه ده متولد بر اجنبیدن ممالك عثمانیه ده تولد ایدن برکیمسه نک ینه ممالك عثمانیه ده حاصل اولان چوجنی عثمانیدر .

طرزنده بر ماده علاوه سی الزمدر .

بوکا البته اعتراض اولنه مز . چونکه اولاً حق حاکمیتی بولنان هر دولت ملکنده ساکن اولان اشخاصک صفت تابعیتلری حقنده احکامی حاوی تابعیت قانونی کندی احتیاج و منفعتنه کوره تنظیم ایتمکده سربسندر . ثانیاً ملکنده

ساکن اولان اجنیدلردن حاصل اولان چوجققلر حقنده بوکي احکام وضع ایدن دولتلر کثیردر، بزده اولنره امتثال ایده بیلیرز. ثالثاً بالاده مندرج صورت تعدیل، معترضلرده سؤنیت اولمדיنی حالده، حقیقه قابل اعتراض اولمیه حق درجده معتدلدر. (مابعدی کله جک نسخه ده) اوریک اغامی زاده

حسن سری

يکرمنجی عصر اوائلنده حقوق دول

۲

ترقیات و تأسیسات علمیہ

حقوق دولك اساسی، دها بدایتندن، حقوق حرب و حقوق صلح اولمق اوزره تشکل و ترقیه باشلادی. اوزمانلر مناسبات حربیه نك مناسبات صلحیه قدر اهمیت و رواجی واردی. بویکی قسمدن هر برنده اصوله عائد قواعد، دائماً اساسه عائد قواعددن دها ایلرني خطوه ده بولونیوردی. اك يکی نظریات حقوق حرب و حقوق صلح آره سنده کی فرقی ازاله ایده مدی فقط بونی ارتق حقوق دولك اس اساسی کی قبول اتمیور. الیوم حقوق دول دولتلر بیننده کی مناسباتك حالت اصلیه و طبیعی سنی یعنی روابط صلحیه سنی اداره ایدن قواعدك مجموعی اولمشدر. حرب تعلق ایدن مواد ایسه مناسبات اقوامده انجق استثنائی و غیر طبیعی برشی دها دوغریسی حقوق دولك جهت مرضیه سنی کی پیش نظره آلمشدر. حقوق دولك صلح قسمی، دولتلرک افعال حیاتیة اصلیه سنی یعنی فیزیولوژیسی؛ حرب قسمی ایسه افعال حیاتیة مرضیه سنی یعنی پاتولوژیسی کوستریر. آندن بشقه حقوق صلحیه دول کوندن کونه حقوق خصوصیه وبا خصوص روسا حقوقه نمائتلندن قورتولمش و کیت کیده کندینه خاص بر طرز احداث، روابط شئوندن منبعث قواعد مخصوصه ایله توسع ایدرک لایتنقطع ایلر یله مشدر.